



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Quæst. 113. Quid præterea notandum sit circa necessitatem Eucharistiæ.

urn:nbn:de:hbz:466:1-42545

delegant in Monasteriis, aliisque locis à cura Pa-
rochorum exemptis. *Vid. Sanch. de Mat. l. 3. d.*
2. 3. n. 12.

IV. Non satisfacit huic præcepto, qui in Pa-
schate extra Parochiam, sine consensu Pastoris
communicat, ut habet *Nav. Azor & alii com-*
mun., nisi tamen communicet in Cathedrali Ec-
clesia; hunc enim satisfacere præcepto, censet
Bon. l. 6. sed negat Lug. l. 1. Resp. mor., nisi Epi-
scopus expressè vel tacitè consentiat. *Bon. l. 6.*
Vid supra c. 2. d. 1. a. 1. casu 7. 8. & 9.

Dixi sine consensu Pastoris: quia cum consensu
summi Pontificis, vel Episcopi sive Ordinarii,
aut ejus Vicarii generalis, vel Parochi (hi enim
omnes intelliguntur nomine Pastoris) extra
Parochiam communicando satisfieri præcep-
to, Doctores concedunt: Et quidem sufficere
consensum interpretativum sive præsumptum,
notat *Tamb. de exp. Com. cap. 4. §. 4. Imò Baun.*
in Thol. moralis p. 1. t. 5. q. 19. Beja & quidam
alii apud Tamb. l. 6. & Lug. d. 18. s. 2. n. 49. Item
Dianam part. 2. t. 14. R. 73. & part. 6. t. 7. R. 58.
putant posse satisfieri præcepto Communionis
Paschalis (præsertim extra diem Paschæ) apud
Mendicantes, ex privilegio Nicolai V. Pii V. &
Pauli IV. certis concessio, quod cæteri partici-
pent; verùm hac alii communiter negant. *V.*
Avers. q. 10. s. 4.

A D D E N D A.

587. Q. 113. Quid præterea notandum sit circa ne-
cessitatem Eucharistiæ. R. seqq.

§. 1. Aliquid potest esse necessarium ne-
cessitate mediæ, vel in re, vel saltem in voto.

Hoc

Hoc in re dicitur ita esse necessarium, quod in seipso debet haberi, & hoc modo fides actualis, supernaturalis & explicita, saltem quod Deus sit, & remunerator sit, necessaria est ad salutem homini adulto, secundum dicta l. 2. à n. 11. Hoc dicitur in voto ita necessarium, quod si in re haberi non possit, debet optari, saltem implicitè, vel quærì per aliquid, quod ex Dei ordinatione hic & nunc suppleat, & ejus loco causet effectum, quem illud causare deberet: sic Baptismus aquæ (extra casum Martyrii) est ad salutem necessarius saltem in voto, quia, si in re haberi non possit, homo debet illum optare, non quomodocumque, sed per actum contritionis, vel amoris perfecti in Deum, qui suppleat gratiæ causalitatem, quam haberet Baptismus aquæ, in tali enim actu censetur implicitè contineri votum Baptismi aquæ, & Deus ordinavit, ut talis actus esset loco Baptismi aquæ, quando in re haberi non posset. Atque ex his patet, cur v. g. restitutio non sit necessaria necessitate mediæ, nequidem in voto, sed tantum necessitate præcepti, nam quamvis post factam injuriam damnosam necessaria sit pœnitentia, quæ etiam est votum implicitum restitutionis, hæc tamen pœnitentia non est necessaria ad supplendum effectum, quem haberet restitutio, (quæ gratiam non causaret) sed pœnitentia est necessaria ratione suâ, ita ut quamvis per errorem non esset votum restitutionis, adhuc esset necessaria, & re ipsa causaret gratiam, ac salvaret. Ubi vides, quamvis votum restitutionis, quod est pœnitentia, sit medium salutis, non ideo restitutionem in voto esse medium sa-

lutis. Et idem est de similibus rebus necessitate præcepti tantum necessariis.

§. 2. Eucharistia in re suscepta non est necessaria necessitate mediæ, uti tenent omnes Catholici cum *Arcudio* l. 3. c. 42. & seqq. contra Armenos apud *Suar.* d. 40. s. 3., qui dixerunt realem susceptionem Eucharistia esse omnibus necessarium medium salutis, idè que cum Baptismo dabant Eucharistiam infantibus: ex quorum errore putat *Ariaga* d. 29. n. 29. fluxisse abusum dandi Eucharistiam mortuis, aut etiam cum illis sepeliendi, uti refert *Bernal* d. 41. n. 72., quamvis *Lugo* d. 3. n. 34. dicat aliunde potuisse esse hunc errorem, sed necessariam non esse parvulis definit *Trid. sess. 21. Can. 4. Si quis dixerit parvulis, antequam ad annos discretionis pervenerint, necessariam esse Eucharistia Communionem, anathema sit. Quoad omnes autem homines, constat ex communi sensu omnium fidelium, qui censent salvari eum ad altum, qui credens, statim post Baptismum moritur, secundum illud *Marci ult. Qui crediderit, & baptizatus fuerit, salvus erit: quod etiam definit Trid. sess. 5. in Decreto de peccat. Origin. n. 5. dicens simpliciter omnem baptizatum esse hæredem Dei, cohæredem autem Christi, ita ut nihil prorsus eum ab ingressu cœli remoretur: Ratio autem est, quia Eucharistia non est medium necessarium ad justificationem, quæ ante ipsam supponitur, cum ipsa sit Sacramentum vivorum: Neque est medium ad moriendum in justificatione obtenta, uti per se patet: Denique etiam in rigore non est medium necessarium ad perseverandum in gratia, cum gratia aliter haberi & conservari possit,**

nem;

nempe per alia Sacramenta, per orationem, per opera virtutum &c. *Suar. supra*, Lugo à n. 39. contra *Escob. l. 20. n. 393.*

§. 3. Eucharistia nequidem in voto est necessaria necessitate medii, *S. Thom. q. 65. a. 4. Arcud. c. 46. Bernal d. 44. f. 2. Dicast. d. 1. n. 102.* quamvis *Gon. d. 2. a. 4.* videatur contradicere, cui, quoad adultos, in aliquo sensu favet *Aversa q. 1. f. 5.* Ratio est, quia Eucharistia non causat aliquid ad salutem necessarium, quod suppleri possit per solam votum Eucharistiae, hoc enim votum nec causat primam gratiam, nec perseverantiam in illa, imò Eucharistia, per se loquendo, non causat unquam primam gratiam, ergo multò minùs votum Eucharistiae est necessarium ad primam gratiam vel ad salutem.

Obji. 1. S. Thom. q. 73. a. 3. expressè docet 590.
Eucharistiam in voto esse de necessitate salutis. *R.* Per Eucharistiam in voto intelligit Baptismum, nam *S. August.*, quem refert *S. Thom. ad 1.* dicit, nulli est aliquatenus ambigendum, tunc unumquemque fidelium Corporis Sanguinisque Domini participem fieri, quando in Baptismate membrum Corporis Christi efficitur. Dicitur autem Baptismus specialiter votum implicitum Eucharistiae, inprimis quia est ingressus ad gratiam & ad Sacramenta omnia, Eucharistia autem, inquit *S. Thom.*, est omnium Sacramentorum finis; unde sicuti media ordinatur ad finem, ita homo per Baptismum ordinatur ad Eucharistiam. Deinde, quia Baptismus dat spiritualem vitam, vita autem est capacitas & exigentia alimenti spiritualis, quod propriè est Eucharistia, quam *S. Thom.* etiam

ideo vocat consummationem spiritualis vitæ. Videri potest *Arcud. c. 47.*, ubi concludit Eucharistiam esse necessariam in voto, tanquam finem, propter quem datur & suscipitur Baptismus: hoc tamen non est esse propriè necessarium in voto.

Inst. S. Thom. q. 10. a. 11. ait, si nê voto percipiendi hoc Sacramentum non potest homini esse salus. *R.* Ibi tantùm agit de necessitate præcepti, & dicit ratione præcepti necessarium esse votum Eucharistiæ, sicuti necessarium est votum restituendi.

591. *Obji. 2.* Cibus est medium necessarium vitæ corporis, sed Eucharistia habet rationem cibi respectu animæ, ergo erit medium necessarium animæ. *R.* Similitudinem inter cibum & Eucharistiam non esse adæquatam, cum dentur etiam alii cibi spirituales præter Eucharistiam, nempe alia Sacramenta, bona opera, actus virtutum, &c. Itaque tantùm habet rationem cibi, quoad effectus similes illis, quos cibus corporalis præstat, nempe sicuti hic supponit vitam corporis, quam postea nutrit, sustentat, roborat, ita etiam Eucharistia.

592. *Obji. 3.* Baptismum & Pœnitentiam esse necessariam necessitate medii, colligimus ex his verbis *Joan. 3. v. 3. Nisi quis renatus fuerit.* Et *Luce 13. v. 3. Nisi pœnitentiam habueritis &c.* sed Christus simili modo *Joan. 6. v. 54. dicit: Nisi manducaveritis Carnem filii Hominiis &c., non habebitis vitam in vobis,* ergo Eucharistia erit similiter necessaria necessitate medii. *R.* Necessitas illa Baptismi & Pœnitentiæ non potest colligi ex illa præcisè voce, *Nisi*, nam sæpe significat necessitatem

tatem tantum præcepti, uti, quando dicitur, non dimittitur peccatum, nisi restituatur ablatum; nemo salvatur, nisi servet præcepta Dei & Ecclesie, &c. Itaque colligitur partim ex *Nisi.* partim ex subjecta materia, quæ ex duobus prioribus locis est aliquid, vel in re, vel in voto ex Dei voluntate ordinatum ad causandum primam gratiam, uti aliunde rescimus, quale quid non est Eucharistia.

Obj. 4. Eucharistia est medium ad salutem, 593.
quia causat gratias: deinde est necessaria ad salutem, saltem in fine vitæ, si enim homo tum negligat, damnatur, ergo est medium necessarium ad salutem. *R.* Similiter probabo extremam Unctionem esse medium necessarium ad salutem. Itaque n. conseq. quæ continet fallaciam diversæ appellationis, uti hæc, Petrus est magnus, & Petrus est Philosophus, ergo Petrus est magnus Philosophus. Si vis, distingue, Eucharistia est medium salutis, utile & valde conducens, e., necessarium, subdit., necessitate medii, n., præcepti, e.

§. 4. Datur præceptum Divinum de Eucharistia sumenda. 594.
Inn. II. de Myst. Miss. l. 4. c. 42. *S. Thom.* q. 80. a. 11. *Escob.* l. 20. n. 401. *Aversa* q. 8. f. 2. *Dicast.* d. 10. n. 4. contra *Alensem*, *S. Bonav.* & alios apud *Amic.* d. 29. n. 2., qui putarunt esse præceptum tantum ecclesiasticum; sed probatur ex verbis Christi *Joan.* 6. v. 54. *Nisi manducaveritis Carnem filii Hominis, & biberitis ejus Sanguinem, non habebitis vitam in vobis.* Similiter *Trid. sess.* 13. c. 2. dicit, quod Christus præcepit illius sumptione, quæ omnes concernit, soli sui memoriam.

§. 5.

595. §. 5. *Soc. Sanch. in Decal. l. 1. c. 12. n. 15. Castrop. t. 21. p. 15. n. 11. Leand. n. 357. Aversa supra, Dicast. dub. 5. Tamb. de Commun. c. 4. n. 2.* valde probabiliter putant solos baptizatos obligari hoc præcepto, sicuti hi soli obligantur præcepto jejunii vel Confessionis. Oppositum tamen videtur probabilius, nam præceptum jejunii videtur ecclesiasticum, ergo illo non obligantur, cum non subsint Ecclesie; præceptum autem Confessionis, quamvis sit divinum, tamen est tantum de peccatis post Baptismum commissis, ergo non est mirum, quod obliget solos baptizatos: Christus autem etiam ad non baptizatos Capharnaitas dicit, *nisi manducaveritis, & designatio Ecclesie, quæ ex commissione Christi determinat certa tempora Communionis, est tantum conditio, quæ positâ præceptum Christi obligat omnes, & consequenter specialiter peccant non baptizati, si non procurent Baptismum, sicque se reddant aptos ad communicandum, Suar. Vasq. Con. Regim. Lugo d. 16. n. 17.* Similiter peccant excommunicati, si non procurent absolutionem ab excommunicatione, ut communicare possint, uti dicitur n. 616.
596. §. 6. Si quis ante Baptismum, etiam bonâ fide communicasset, non satisfecisset huic præcepto, quia non fuisset sumptio Sacramentalis, nec apta in hoc subjecto significare gratiam, quia non baptizatus, etiam si per contritionem justificatus sit, non est capax fructus ex hoc Sacramento, secundum dicta n. 165., & docent Vasq. Lugo n. 20.
597. §. 7. Præcepto hoc obligantur baptizati omnes, etiam si pueri, secundum dicenda n. 615. Unde

Unde etiam adultus hodie baptizatus & statim ducendus ad supplicium communicare deberet, *Tamb. c. 5. n. 6. Jo. Sanch. d. 39.* addens teneri etiam pro Paschate.

§. 8. Hoc præceptum obligat sub tempus ad- 598.
epti plenè usûs rationis, cum sit veluti totius vitæ Viaticum, inquit *Bernal d. 44. n. 65.* Neque satisficit semel tantùm communicando per vitam, uti habet communis cum *Suar. d. 69. f. 3.*

§. 9. Quandonam hoc præceptum per se ob- 599.
liget, est incertum, hinc *Gabr. Sot. Valent.* apud *Dicast. n. 59.* dixerunt obligare, cum ingruit gravis tentatio, sed contrà est, quia tentatio aliter superari potest, aut si aliter superari non possit, obligatio illa est per accidens, & directè ex præcepto naturali virtutis, contra quam est tentatio: unde *Suar. & alii cum Aversa q. 2. f. 3. §. ult.* dixerunt non obligare, nisi singulis trienniis vel quadrienniis, sed alii cum *Lugo n. 28.* dicunt Christum non determinato ullo tempore, direxisse præceptum ad Ecclesiam, ut hæc tempora determinaret.

§. 10. *S. Thom. a. 10. ad 5.* aliique multi apud 600.
Amic. n. 22. putant Ecclesiam olim determinasse quotidianam Communionem fidelibus, ut huic præcepto divino satisficeret, sed contradicunt *Suar. Bellarm. Amic. Lugo à n. 29.* Quidquid sit de hoc, *Fabian.* Papa aliàque Concilia postea determinarunt fieri ter in anno, scilicet in Natali Domini, Paschate & Pentecoste. *Soter.* Papa determinavit diem Cœnæ Domini; sed nunc satis est si semel fiat circa Pascha, uti dicitur à n. 625. remissit enim Ecclesia de hoc onere propter iniquitatis abundantiam refrigerantis charitate multorum, inquit *D. Thom. supra.* §. 11.